

Di Bassan fo lettere, con una lettera del signor Camillo Orsini, date in Arbegna a dì 10. Reporti di soi, come a Trento erano zonte 36 bandiere di fanti et il capitano Zorzi li dava danari et panni et li pagava, et a li fanti stati in Cremona ha dato tre page, la mità danari et la mità panni, et era preparato zatre et barche suso; sichè voleno al tutto calar, et che 400 cavalli per le artellarie venivano a Trento, etc., sichè tien torano la volta di sopra del veronese: tuttavia non resta di far le provision a li passi.

Di Verona, di rectori, di heri. Avisi in consonantia, et tengono verano per il veronese.

Di Brexa, di sier Nicolò Tiepolo el dotor podestà et sier Piero Mocenigo capitano, di 8. Di questo adunar di lanzinech, et come si ha da sier Daniel Trun proveditor a Anfo, ha hauto aviso dal conte Bernardin di Lodron come dieno venir per Anfo via, unde hanno fatto provision a Anfo di zente, et ordinato in Valtrompia 2000 fanti etc. *Item*, che le zente vien di campo comenzavano a zonzer de li.

Di campo, da le Piantelle, del Pixani et Pexaro, di 8, hore 6. Come esso Pixani è in leto con febre et per consiglio di medici bisogna si lievi de li volendo varir, et fin do zorni si partirà per Crema. *Item*, mandano tandem di voluntà del Capitano zeneral altri fanti 2000, oltra li 1000 primi, et hanno dato danari a ditte compagnie et le aviano in veronese. *Item*, cavalli lizieri numero . . . , et zente d'arme lanze 150, zoè la compagnia del
117 signor Camillo Orsini che è il capo et di qua, et quella del signor Cesare Fregoso, la qual è zà zonta a Verona. *Item* scriveno haver viste le fantarie, et sono assà sminuite, adeo se non fusseno li sguizari si faria mal. *Item* si mandi danari etc., et che'l Capitano tien i lanzinech calerano sul bergamasco; et come li fanti del marcheze di Saluzo, per non haver ditto Marchexe (da) darli danari è stà mandati a li alozamenti in Lomelina di là da Texin; li qual quasi tutti è disfantadi. *Item*, oltra li 3000 fanti mandati resta in campo solum fanti 12 milia; el capitano dice si stà il campo con pericolo, per esser in Milan 7000 homeni da guerra, et calando i lanzinech, il Capitano ha rasonato di voler con lo exercito passar Ada et li alozarse.

Di Feltre, di sier Lorenzo Salamon podestà et capitano, et di Treviso di sier Alvixe Bragadin podestà et capitano. Con avisi di questa motion di zente todesche et provision hanno fatto per li territori, scritto che stiano in arme etc.

Da poi disnar fu Gran Conseio. Il Serenissimo non vi fue, nè etiam io Marin Sanudo vi andai, et fu fatto:

111. Scurtinio di Camerlengo a Padoa.

† Sier Zuan Andrea da Mosto fo zudexe di Examinador, qu. sier Francesco, ducati 350	87. 30
Sier Bernardo Donado fo a la zeca di l'oro, qu. sier Hironimo, ducati 300	61. 53

Provedador a le biave.

Sier Bernardo Donado fo sinico et avogador di terra ferma, qu. sier Zuane, ducati 400	61. 55
† Sier Francesco Navaier el proveditor sora il Cotimo di Alexandria, qu. sier Michiel, ducati 400	74. 43

Oficial a le Raxon nuove.

Sier Thomà Morexini el grando, qu. sier Marco, ducati 500	37. 76
Sier Giacomo Vituri fo al dazio del vin, di sier Alvise, ducati 600	59. 56
† Sier Zuan Sagredo fo Cao di XL, qu. sier Piero, ducati 600	66. 53
Sier Andrea Renier fo auditor vecchio, qu. sier Giacomo, ducati 500	49. 68

Provedador sora i officii.

Sier Nicolò Bragadin qu. sier Arimondo, ducati 400	18. 97
† Sier Giacomo Barbarigo fo al dazio del vin, di sier Francesco, ducati 500	69. 47
Sier Tomà Morexini el grando, qu. sier Marco, ducati 500	55. 58
Sier Giacomo Vituri fo al dazio del vin, di sier Alvise, ducati 400	51. 64

Consolo di mercadanti.

117

Sier Zuan Donado fo avvocato di presonieri, qu. sier Antonio, ducati 300	34. 80
† Sier Agustin Miani fo castelan a Ve-	